

nīs: aliter sapientissimus adam negligentia ueniret accusandus uidimus præterea podagricos generasse sanos. & contra multotiens: cum ipsi sint causæ secundæ dependentes non enim solum homo generat hominem: sed sol & homo generant hominem: ergo non solum secundum dispositionem hominis generat homo. Astro. Videor uidere te potius sententiæ pollicidum acquiescere quam & hypocrates acceptasset: neque est credendum sapientissimum uirum tales ineptias iudicasse. dicat ciceron quicquid uelit. testatur ipse sapientissimus hypocrates in libello de aere complexionem insequi modum mixti uel compositi ex elementis: & elementa insequi in mixtis stellarum mixtiones. F.

Sat est quid de eisdem causis mouentibus æqualiter causas parium ægritudinum: ut sunt eadē domus aer cibus & potus.

Astro. Certe hypocrates non posuisset hec pro causis adequatis similium ægritudinum: neque hoc quod aliquis ægrotet: & affligatur tempore quo alter: arguit fratrem uel geminum conceptum: audi exemplum nobile & recens. Illustrissima calabriæ ducissa hypolitam dico sfortiam: cepit ægrotare quo tempore cepit filius Don petrus: & eadem hora affligebatur continue immo quod plus est: cum mater comedere uolebat filius similiter idem uolebat: altera ignorante: & in illa infirmitate semper eadē appetebant: usque ad incisionem unguium in eadem hora: ergo erant eiusdem complexionis: & gemini: aut nati eodem tempore: hoc dialectici non est sicut nec cum arguitur poterant parentes ita affici: & cæ. in eadem domo nutriti: & cæ. quæ omnia rhetorici sunt non dialectici: cum in eadem domo nutriti sint pater & filius & mater: & eisdem alimentis: & cæ. & non semper eisdem ægritudinibus laborant: hec ad causam propriam eiusdē ægritudinis uelle trahere potius est obstinatae mentis ad arguendum uel ignorantia quam ueritatis dialecticæ trahere uero ad astrorum parile influentiam uel directionem signorum similem: que & si nati sint diuersi tamen possunt eodē tempore euenire: non insolentia est: sed necessitatis: & multæ sapientia ut accidit sæpe in ægritudine hūte cām intrinsecā a principio generatiōis: ut sequamur modum arguentis in uariolis. n. putrefit aliquando reliquum nutrimenti menstrualis in duobus uel geminis uel non imo multum tempore diuersis: &